



古典医学名著概要（十一）

闫新 编著

目 录

备急千金要方卷第二十六(食治) 1方	1
备急千金要方卷第二十二(丁肿痛疽) 183方	1
备急千金要方卷第二十三(痔漏) 187方	40
备急千金要方卷第六下(七窍病下) 223方	69
备急千金要方卷第八(诸风) 60方	120

备急千金要方卷第二十六(食治) 1方

1 肺金白色，宜辛，肾水黑色宜咸，内为五藏，外主五行，色配五方。五藏所合法，肝合筋，其荣爪，心合脉，其荣色，脾合肉，其荣唇，肺合皮，其荣毛肾合骨。其荣发。五藏不可食忌法，多食酸则皮槁而毛夭，多食苦则筋急而爪枯，多食甘则骨痛而发落，多食辛则肉胝而唇褰，多食咸则凝泣而色变。五藏所宜食法，肝病宜食麻犬肉李韭，心病宜食麦羊肉杏薤，脾病宜食稗米牛肉枣葵，肺病宜食黄黍鸡肉桃葱肾病宜食大豆黄卷豕肉栗藿，（素问云肝色青宜食甘粳米牛肉枣葵皆甘心色。赤宜食酸小豆犬肉李韭皆酸肺色白宜食苦麦羊肉杏薤皆苦脾色黄宜食咸大豆豕肉栗藿色黑宜食辛黄黍鸡肉桃葱皆辛）。五味动病法，酸走筋，筋病勿食酸，苦走骨，骨病勿食苦，甘走肉，肉病勿食甘辛走气，气病勿食辛，咸走血，血病勿食咸。五味所配法。（备急千金要方卷第二十六(食治) 1方）

备急千金要方卷第二十二(丁肿痛疽) 183方

1 至于丁肿，若不预识，令人死不逮辰，若着讫乃欲求方。其人已入木矣，所以养生之士，须早识此方，凡是疮痍无所逃矣，凡疗丁肿，皆刺中心至痛，又刺肆边拾余下令血出，去血傅药，药气得入针孔中佳，若不达疮里，疗不得力。又其肿好着口中颊边舌上，看之赤黑如珠子，砭痛应心是也，是秋冬寒毒久结皮中？变作此疾，不即疗之，日夜根长，流入诸数

道，如箭入身捉人不得动摇，若不慎口味房室，死不旋踵，经伍陆日不差，眼中见火光，心神昏口干心烦即死也壹曰麻子丁，其状肉上起头，大如黍米，色稍黑肆边微赤多痒，忌食麻子及衣布并入麻田中行。二曰石丁，其状皮肉相连，色乌如黑豆甚硬，刺之不入，肉内阴阴微疼，忌瓦砾砖石之属。三曰雄丁，其状疱头黑廕，四畔仰苍疱浆起，有水出色黄，大如钱孔形高，忌房？四曰雌丁，其状疮头稍黄，向里廕亦似灸疮，四畔疱浆起，心凹色赤，大如钱孔？忌房事。五曰火丁，其状如汤火烧灼，疮头黑廕，四边有疱浆又如赤粟米，忌火灸炼。六曰烂丁，其状色稍黑有白斑，疮中溃溃有脓水流出，疮形大小如匙面，忌沸热食烂臭物。七曰三十六丁，其状头黑浮起，形如黑豆，四畔起大赤色，今日生一，明日生二？至三日生三乃至十，若满三十六，药所不能治，如未三十六者可治，俗名黑疱，忌嗔怒畜积愁恨。八曰蛇眼丁，其状疮头黑皮上浮，生形如小豆，状似蛇眼，大体硬，忌恶眼人看？并嫉妒人见及毒药。九曰盐肤丁，其状大如匙面，四边皆赤，有黑粟粒起，忌咸食。十曰水洗丁，其状大如钱形或如钱孔大，疮头白里黑廕，汁出中硬，忌饮浆水水洗渡河。十一曰刀镰丁，其状疮阔狭如薤叶大，长一寸，左侧肉黑如烧炼，忌刺及刀镰切割铁刃所伤，可以药治。十二曰浮沔丁，其状疮体曲圆少许不合，长而狭如薤叶大，内黄外黑，黑处刺不痛内黄处刺之则痛。十三曰牛拘丁，其状肉疱起掐不破。右十三种疮，初起必先痒后痛，先寒后热，热定则寒，多四肢沉重，头痛心惊眼？若大重者则呕逆，呕逆者难治，其麻子丁一种始末惟痒，所录忌者不得犯触，犯触者即难疗，其

浮沔丁牛拘丁两种，无所禁忌，纵不疗亦不能杀人，其状寒热与诸丁同，皆以此方疗之，万不失一，欲知犯触，但脊强疮痛极甚，不可忍者，是犯之状也。治十三种丁方，用枸杞，其药有四名，春名天精，夏名枸杞，秋名却老，冬名地春三月上建日采叶，夏三月上建日采枝，秋三月上建日采子，冬三月上建日采根，凡四时初逢建日，取枝叶子根等四味并暴干，若得五月五日午时合和大良，如不得依法采者，但得一种亦得，用绯缙一片以裹药，取匝为限，乱发鸡子大，牛黄梧子大，反钩棘针二十七枚末，赤小豆七粒末，先于绯上薄布乱发，以牛黄末等布发上，即卷绯缙作团，以发作绳十字缚之，熨斗中急火熬之令沸，沸定后自干，即刮取捣作末，绢筛以一方寸匕，取枸杞四味合捣，绢筛取二匕，和合前一匕共为三匕令相得。又分为二分，早朝空腹酒服一分，日三。治凡是丁肿皆用之，此名齐州荣姥方，白姜石（一斤软黄者）、牡蛎（九两烂者）、枸杞根皮（二两）、钟乳（二两）、白石英（一两）、桔梗（一两半）。右六味各捣，绢筛之，合和令调，先取伏龙肝九升末之，以清酒一斗二升搅令浑浑然，澄取清二升和药捻作饼子，大六分厚二分，其浊滓仍置盆中，布饼子于笼上，以一张纸藉盆上。以泥酒气蒸之，仍数搅令气散发，经半日，药饼子干，乃内瓦坩中，一重纸一重药遍布，勿令相着，密以泥封三七日，干以纸袋贮之，干处举之，用法以针刺疮中心深至疮根，并刺四畔令血出，以刀刮取药如大豆许内疮上，若病重困日夜三四着，其轻者一二度着，重者二日根始烂出，轻者半日一日烂出？当看疮浮起，是根出之候，若根出已烂者，勿停药仍着之，药甚安稳，令生肌易？其

病在口咽及腹中者，必外有肿异相也，寒热不快疑是此病，即以饮或清水和药如二杏人许服之，日夜三四服，自然消烂或以物剔吐根出即差，若根不出亦差，当看精神自觉醒悟，合药以五月。五日为上时，七月七日次，九月九日，腊月腊日并可合，若急须药他日亦得，要不及良日也，合药时须清净烧香，不得触秽，孝子，不具足人，产妇六畜鸡犬等见之，凡有此病，忌房室猪鸡鱼牛生韭蒜芸薹胡荽酒醋面葵等，若犯诸忌而发动者，取枸杞根汤和药服并如后方，其二方本是一家，智者评论以后最是真本。赵娆方，姜石(二十五两)、牡蛎(十两崔氏七两)、枸杞根皮(四两)、茯苓(三两)。右四味各捣筛，合和，先取新枸杞根合皮切六升，水一斗半，煎取五升去滓，内狗屎(崔氏云尿)。二升搅令调，澄取清和前药熟捣，捻作饼子阴干，病者以两刃针当头直刺疮，痛彻拔出针，刮取药末塞疮孔中，拔针出即内药，勿令歇气，并遍封疮，头上即胀起，针挑根出，重者半日已上即出，或以消烂。挑根不出亦自差，勿忧之，其病在内者，外当有肿相应，并怕恶寒发热，疑有疮？以水半盏，刮取药如桐子大五枚和服之，日夜三度服，即自消也，若头根出，服经一日，以鸡羽剔吐，即随吐根出，若不出根亦自消烂，在外者亦日夜三度傅药根出后常傅勿住，即生肉易差，若犯诸忌而发动者，取枸杞根合皮骨切三升。以水五升，煎取二升去滓，研药末一钱匕，和枸杞汁一盏服之，日二三服，并单饮枸杞汁两盏弥佳，又以枸杞汁搅白狗屎取汁服之更良，合讫即用，不必待干？所言白狗屎，是狗食骨其屎色如石灰，直言狗白屎也，如预造，取五月五日，七月七日，九月九日，腊月腊

日造者尤良，神验，或有人忽患喉中痛，乍寒乍热？即是其病，当急以此药疗之，无故而痛，恶寒发热者，亦是此病，但依前服之立？前后二方，同是一法，用一同，亦主痈疽甚效。治丁肿病，忌见麻勃，见之即死者方，胡麻、烛炷、针沙(各等分)。右三味末之，以醋和傅之。(备急千金要方卷第二十二(丁肿痛疽) 183 方)

2 又方。针刺四边及中心，涂雄黄末，立可愈神验。(一云涂黄土)。(备急千金要方卷第二十二(丁肿痛疽) 183 方)

3 又方。马齿菜(二分)、，石灰(三分)。右二味捣以鸡子白和傅之。(备急千金要方卷第二十二(丁肿痛疽) 183 方)

4 又方。鼠新盆土和小儿尿傅之。(备急千金要方卷第二十二(丁肿痛疽) 183 方)

5 又方。铁衣末和人乳汁傅之立可。(备急千金要方卷第二十二(丁肿痛疽) 183 方)

6 又方。以小豆花为末傅之差。(备急千金要方卷第二十二(丁肿痛疽) 183 方)

7 又方。以人屎尖傅之立差。(备急千金要方卷第二十二(丁肿痛疽) 183 方)

8 又方。以四神丹一枚，当头上安，经宿即根出矣。(方在第十二卷中)。治一切丁肿方，苍耳根茎苗子，但取一色烧为灰，醋泔淀和泥涂上，干即易之，不过十度。即拔根出，神良，余以正观四年，忽口角上生丁肿，造甘子振母为帖药，经十日不差，余以此药涂之得愈，已后常作此药以救人，无有不差者，故特论之以传后嗣也，丁肿方殆有千首，皆不及此方，齐州荣姥方亦不胜此物造次易得也。(备急千金要方卷第二

十二(丁肿痛疽) 183 方)

9 又方。取铁浆每饮一升立差。(备急千金要方卷第二十二(丁肿痛疽) 183 方)

10 又方。面和腊月猪脂封上立差。(备急千金要方卷第二十二(丁肿痛疽) 183 方)

11 又方。蒺藜子一升烧为灰，酿醋和封上，经宿便差，或针破头封上更佳。(备急千金要方卷第二十二(丁肿痛疽) 183 方)

12 又方。皂荚子取人作末傅之，五日内差。正观初衢州徐使君，访得治丁肿人王山韩光方，艾蒿一担烧作灰，于竹筒中淋取汁，以一二合和石灰如面浆，以针刺疮中至痛，即点之，点三遍，其根自拔，亦大神。正观中治得三十余人差，故录之。(备急千金要方卷第二十二(丁肿痛疽) 183 方)

13 鱼脐丁疮，似新火针疮，四边赤中央黑色，可针刺之，若不大痛即杀人。治之方。以腊月鱼头灰和发灰等分，以鸡溲尿和傅上，此疮见之甚可而能杀人。(外台不用发灰以鸡子清和涂)。(备急千金要方卷第二十二(丁肿痛疽) 183 方)

14 又方。以寒食锡传之良，又硬者烧灰涂帖即差。治鱼脐疮，其头白似肿，痛不可忍者方，先以针刺疮上四畔作孔，捣白苕取汁，滴着疮孔内。(备急千金要方卷第二十二(丁肿痛疽) 183 方)

15 又方。傅水獭屎大良。治赤根丁方，熬白粉令黑，蜜和傅之良。(备急千金要方卷第二十二(丁肿痛疽) 183 方)

16 又方。以新盆鼠壤水和涂之，热则易之。(备急千金要方卷第二十二(丁肿痛疽) 183

方)

17 又方。捣马牙齿末，腊月猪脂和傅之，拔根出，亦烧灰用。犯丁疮方，芫菁根，铁生衣。右二味各等分和捣，以大针刺作孔，复削芫菁根如针大，以前铁生衣涂上刺孔中，又涂所捣者封上，仍以方寸匕，绀帛涂帖上，有脓出易之，须臾拔根出立差，忌油腻生冷醋滑五辛陈臭粘食。(备急千金要方卷第二十二(丁肿痛疽) 183 方)

18 又方。刺疮头及四畔令汁极出，捣生粟黄傅上，以面围之勿令黄出，从旦至午根拔出矣。(备急千金要方卷第二十二(丁肿痛疽)183 方)

19 又方。以面围疮如前法，以针乱刺疮，铜器煮醋令沸，泻着面围中，令容一盞，冷则易？三度即拔根出。(备急千金要方卷第二十二(丁肿痛疽) 183 方)

20 又方。取蛇蜕皮如鸡子大，以水四升煮三四沸去滓，顿服立差。(备急千金要方卷第二十二(丁肿痛疽) 183 方)

21 又方。烧蛇蜕皮灰，以鸡子清和涂之差。(备急千金要方卷第二十二(丁肿痛疽) 183

方)

22 又方。取苍耳苗捣，取汁一二升饮之，滓傅上立差。(备急千金要方卷第二十二(丁肿痛疽) 183 方)

23 又方。生地黄汁煎如胶，作饼子帖之，日四五度。食恶肉散方，流黄、马齿矾、漆头茹、丹妙麝香、雄黄、白矾(各二分)。右八味治下筛，以粉之，吮食恶肉，(千金翼帖篇无白矾雌黄有藜芦云亦膏和傅之，又处疗痈疽篇无丹砂，广济方疗痈肿脓溃疮中有紫肉破不消以此散充头内蚀之)。(备急千金要方卷第二十二

(丁肿痛疽) 183 方)

24 又方。 茹、矾石、雄黄、流黄(各二分)。右四味治下筛，内疮中，恶肉尽即止，不得过好肉也。治痈疽发背坏后生肉膏方，生地黄(一斤)、辛夷(二两)、独活、当归、大黄、黄耆、芎藭、白芷、芍药、黄芩、续断(各一两)、薤白(五两)。右十二味〔口父〕咀，以腊月猪脂四升煎，取白芷黄下之去滓，傅之立差。生肉膏，治痈疽发背，溃后令生肉方，甘草、当归、白芷、苳蓉、蜀椒、细辛(各二两)、乌喙(六分生用)、蛇衔(一两)、薤白(二十茎)、干地黄(三两)。右十味〔口父〕咀，以醋半升渍一宿，猪膏二斤煎，令沸，三上三下，膏成?蛇衔生肉膏，主痈疽金疮败坏方，蛇衔、当归(各六分)。干地黄(三两)、黄连、黄耆、黄芩、大黄、续断、蜀椒、芍药、白及、芎藭、莽草、白芷、附子、甘草、细辛(各一两)、薤白(一把)。右十八味〔口父〕咀，酢渍再宿，腊月猪脂七升煎，三上三下，酢尽下之，去滓日三夜一。(崔氏有大戟独活各一两无地黄黄连黄耆续断白及芎藭白芷甘草)。五香汤，主热毒气卒肿痛结作核，或似痈疔而非，使人头痛寒热气急者，数日不除杀人方，青木香、藿香、沉香、丁香、熏陆香(各一两)。右五味〔口父〕咀，以水五升，煮取二升分三服，不差更服之，并以滓薄肿上。(千金翼以麝香代藿香)。漏芦汤方，漏芦、白及、黄芩、麻黄、白薇、枳实、升麻、芍药、甘草(各二两)、，大黄(二两)。右十味〔口〕咀，以水一斗，煮取三升分三服，快下之，无药处单用大黄下之?(肘后云治痈疽丹疹毒肿恶肉，千金翼无白薇。刘涓子芍药有连翘治时行热毒变作赤色痈疽丹疹毒肿及眼赤痛生瘡 若热盛者可加

芒消二两，经心录无白薇有知母犀角芒消各二两，此方与小儿篇方相重分两服法异。丹参膏方，丹参、蒴藿、莽草、蜀椒、踟躅(各二两)、秦艽、独活、白及、牛膝、菊花、乌头、防已(各一两)。右十二味〔口父〕咀，以醋二升浸一宿，夏半日，如急要便煎之猪脂四升煎令醋气慢火煎之，去滓，用傅患上，日五六度。(肘后用防风不用防已治恶肉恶核瘰 风结诸肿云此膏亦可服)。治气痛小竹沥汤方，淡竹沥(一升)、射干、杏仁、独活、枳实、白朮、防已、防风、秦艽、芍药、甘草、茵芋、茯苓、黄芩、麻黄各二两。右十五味〔口父〕咀，以水九升，煮取半下沥，煮取三升分四服。白薇散方，白薇、防风、射干、白朮(各六分)、当归、防已、青木香、天门冬、乌头、枳实、独活、山茱萸、萎蕤(各四分)、麻黄(五分)、柴胡、白芷(各三分)、莽草、蜀椒(各一分)、秦艽(五分)。右十九味治下筛，以浆水服方寸匕，日三，加至二匕。治气肿痛疾藜散方，疾藜子一升熬，令黄，为末，以麻油和之如泥，炒令焦黑以傅故熟布上，如肿大小，勿开孔帖之，无疾藜用小豆末和鸡子如前，干易之甚妙。治赤色肿有尖头者，藜芦膏方，藜芦(二分)、黄连、矾石、雄黄、松脂、黄芩(各八分)。右六味末之，猪脂二升二合煎令烺，调和以

傅上痂癣头疮极效，又治浅疮经年抓搔成痒孔者。瞿麦散，治痈排脓止痛利小便方，瞿麦(一两)、芍药、桂心、赤小豆(酒浸熬)、芍药、黄耆、当归、白敛、麦门冬(各二两)。右九味治下筛，先食酒下方寸匕，日三。(千金翼用细辛、薏苡人、白芷、不用桂心、麦门冬、白敛治诸痈溃及未溃疮中疼痛脓血不绝不可忍者。薏苡

人散，治痈肿令自溃长肉方，薏苡人、桂心、白敛、当归、苳蓉、干姜(各二两)。右六味治下筛，先食温酒服方寸匕，日三夜再。痈疽溃后脓太多，虚热，黄耆茯苓汤方，黄耆、麦门冬(各三两)、芎藭、茯苓、桂心(各二两)、生姜(四两)、五子(四合)、大枣(二十枚)。右八味〔口父〕咀，以水一斗半，煮取四升分六服。(千金翼有远志、当归、人参、甘草六两)。内消散，治凡是痈疽皆宜服此方，赤小豆(一升醋浸熬)、人参、甘草、瞿麦、当归、猪苓、黄芩(各二两)、白敛、黄耆、薏苡人(各三两)、防风(一两)、升麻(四两)。右十二味治下筛，以酒服方寸匕，日三夜一，长服取差。治痈疽脓血内漏，诸漏坏败，男发背，女乳房及五痔皮散方，皮(一具)、蜂房(一具)、地榆、附子、桂心、当归、续断(各五分)、干姜、蜀椒、本(各四分)、厚朴(六分)。右十一味治下筛，空腹以酒服方寸匕，日三取差，加斑猫七枚益良。凡患肿皆因宿热所致须服冷药，差后有患冷利不止者方，赤石脂、人参、龙骨、甘草、干姜(各二两)、附子(一枚)。右六味〔口父〕咀，以水八升，煮取二升十分三服，每服八合。梔子汤，主表里俱热，三焦不实，身体生疮及发痈疔，大小便不利方，梔子人(二七枚)。芒消(二两)、黄芩、甘草、知母(各三两)、大黄(四两)。右六味〔口父〕咀，以水五升煮减半，下大黄，取一升八合，去滓，内芒消。五利汤，主年四十已还强壮，常大患热，发痈疽无定处，大小便不通方，大黄(三两)、梔子人(五两)、升麻、黄芩(各二两)、芒消(一两)。右五味〔口父〕咀，以水五升，煮取二升四合，去滓，下芒消，分四服，快利。(刘涓子名大黄汤)。干地黄芩丸，壮热人长将服之，终

身不患痈疽，令人肥悦耐劳苦方，干地黄(五两)、芍药、甘草心、黄耆、黄芩、远志(各二两)、石斛、当归、大黄(各三两)、人参、巴戟天、栝楼根(各一两)、苡蓉、天门冬(各四两)。右十五味末之蜜丸，酒服如梧子大十丸，日三，加至二十丸，干地黄丸，(备急千金要方卷第二十二(丁肿痈疽) 183方)

25 主虚热消疮疖方。干地黄(四两)、大黄(六分)、芍药、茯苓、王不留行、甘草、远志、麦门冬、人参、升麻、黄芩(各三两)、桂心(六两)。右十二味末之蜜和，酒服如梧子十丸，日三，加至二十丸，长服令人肥健，一方有枳实三两。(外台无甘草、远志、麦门冬、人参、升麻、黄芩)。干地黄丸，主虚劳客热，数发痈肿疮疖经年不除方，干地黄(四两)、天门冬(五两)、黄耆、黄芩、大黄、黄连、泽泻、细辛(各三两)、甘草、桂心、芍药、茯苓、干漆(各二两)、人参(一两)。右十四味末之蜜丸，酒服如梧子大十丸，日三夜一，加至二十丸，久服延年，终身不发痈疽，凡方中用大黄，薄切，五升米下蒸熟，暴干用之，热多倍大黄。(要籍喻义无泽泻)。地黄煎，补虚除热，散乳石去痈疖痔疾，悉宜服之方，生地黄随多少，三捣三压，取汁令尽，铜器中，汤上煮，勿盖令泄气，得减半，出之，布绞去碎结浊滓更煎之令如饴，酒服如弹丸许，日三，勿加之，百日痈疽永不发。枸杞煎，主虚劳，轻身益气，令人有力，一切痈疽永不发方，枸杞三十斤剉，叶生至未落可用茎叶，落至未生可用根，以水一石，煮取五斗去滓，将滓更入釜与水依前，煮取五斗，并前为一斛，澄之去淀，釜中煎之，取二斗许，更入小铜锅子煎，令连连如饴去，或器盛，重汤煮更好，每

日早朝服一合半，日?初服一合，渐渐加之。主风湿体痛，不能饮食，兼痈疽后补虚羸方，蔷薇根、枸杞根(各一百斤)。生地黄、食蜜(各十斤)。右四味〔口父〕咀，以水煮二根令味浓，取二斛去淀，内地黄煮令烂，绞去滓。微火煎令如粥，内蜜耗令相得，每食后服如弹丸许。搨肿方，大黄、黄芩、白敛、芒消(各三分)。右四味咀，以水六升，煮取三升汁，故帛四重内汁中，以搨肿上，干即易之，无度数，昼夜为之。治痈疽始作，肿赤焮热长甚速方，青木香、犀角、大黄、升麻、黄芩、栀子人、黄连、甘草、芒消、射干、黄蘗、紫檀香、羚羊角、白敛(各二分)、地黄汁(五合)、麝香(二分研入)。右十六味〔口父〕咀，以水五升，煮取二升小冷，故帛两重内汤中，搨肿上，干日夜数百度。治颈项及背有大肿赤发，即封令不成脓方，生干地黄(半斤)、香豉(半斤)、朴消(五两)。右三味合捣，令地黄烂熟，傅肿上，厚二分，日三四易，至差止，此兼治一切肿治痈肿痛烦闷方，生楸叶十重帖之，以帛包令缓急得所，日二易，止痛兼消肿，蚀脓甚良，胜于众物，如冬月先收干者，用时盐润之，亦可薄削楸皮用之。治痈始觉肿令消方，大黄、通草、葶苈、莽草(各等分)。右四味为末，以水和傅上，干则易之。(备急千金要方卷第二十二(丁肿痈疽) 183方)

26 又方。以莨菪末，三指撮，水和服之，日三神良。治痈方，芫花为末，胶和如粥傅之。治痈疽发腹背阴匿处，通身有数十痈者方，取干牛粪烧灰下筛，以鸡子白涂之，干复易。若已结脓，使聚长者方，栝楼根末之，苦酒和傅上，燥复易，赤小豆亦佳。治大人小儿痈肿方，生猪脑傅纸上帖之，干则易，日三四度。

(备急千金要方卷第二十二(丁肿痛疽) 183 方)

27 又方。芥子末汤傅纸上帖之，(千金翼以猪胆和涂之)。(备急千金要方卷第二十二(丁肿痛疽) 183 方)

28 又方。白姜石末蒜和捣傅上差。(备急千金要方卷第二十二(丁肿痛疽) 183 方)

29 又方。马鞭草捣傅上即头出。大人小儿痛肿，灸两足大拇指奇中立差，仍随病左。右。治疔子方，凡疔无头者，吞葵子一枚，不得多服。(备急千金要方卷第二十二(丁肿痛疽) 183 方)

30 又方。烧葛蔓灰封上自消，牛粪灰封之亦佳。(备急千金要方卷第二十二(丁肿痛疽) 183 方)

31 又方。鼠粘根叶帖之。(备急千金要方卷第二十二(丁肿痛疽) 183 方)

32 又方。水和雀屎傅之。(备急千金要方卷第二十二(丁肿痛疽) 183 方)

33 又方。生椒末、釜下土。右二味等分，醋和涂之，(千金翼有曲末为三味)。(备急千金要方卷第二十二(丁肿痛疽) 183 方)

34 又方。狗头骨芸台子。右二味等分末之，醋和傅上。治痈有脓令溃方，鸡羽三七枚烧末，服之即溃。(备急千金要方卷第二十二(丁肿痛疽) 183 方)

35 又方。人乳和面傅上，比晓脓血出并尽，不用近手。(备急千金要方卷第二十二(丁肿痛疽) 183 方)

36 又方。箔经绳烧末，腊月猪脂和傅下畔，即溃，不须针灸。治痈肿发背初作，及经十日已上，肿赤焮热毒气盛，日夜疼痛，百药不效方，鰾鸡子(一枚)、新出狗屎(如鸡子大)。右二味搅调和，微火熬令稀稠得所，捻作饼子，可肿头坚处帖之，以纸帖上，以

帛抹之，时时看之，觉饼子热即易，勿令转动及歇气，经一宿定，如多日患者？三日帖之，一日一易差止，此方秽恶不可施之贵胜，然其愈疾一切诸方皆不可及，自外诸方还复备员设仪注而已，觉者当晓斯方，亦备诸急尔。乌麻膏，主诸漏恶疮，一十三般丁肿，五色游肿，痈疽毒热，狐刺蛇毒，狂犬虫狼六畜所伤不可识者，二十年漏金疮，中风皆以此膏帖之，恶脓尽即差，止痛生肌，一帖不换药，惟一日一度拭去膏上脓再帖之，以至差乃止方，生乌麻油(一斤)、黄丹(四两)、蜡(四分皆大两大升)。右三味以腊日前一日从午，内油铜中微火煎之，至明旦看油减一分，下黄丹消尽？下蜡令沫消，药成，至午时下之，惟男子合之，小儿女人六畜不得见之。治诸肿紫葛帖方，紫葛(十分)、大黄(五分)、白敛、玄参、黄芩、黄连、升麻、榆白皮、由跋(各三分)、赤小豆(一合)、青木香(一分)。右十一味治下筛，以生地黄汁和如泥，傅肿上，干易之，无地黄汁与米醋和之。又帖膏方，松脂(一斤)、大黄(一两)、猪脂(半斤)、细辛、防风、黄芩、芎藭、白敛、当归、白芷、芍药、莽草、黄蘗、黄连(各半两)、白蜡(四两)。右十五味〔口父〕咀，先煎脂蜡令烊，乃内诸药，三上三下，绞以绵及布，以着取少许火灸之，油纸上傅之，贴疮上，(千金翼有黄耆一两)。青龙五生膏，治痈疽痔漏恶疮脓血出皆以导之方，生梧桐白皮、生龙胆、生桑白皮、青竹筍、生柏白皮(各五两)、蜂房、皮、蛇蜕皮(各一具)、雄黄、雌黄(各一两)、蜀椒、附子、芎藭(各五分)。右十三味〔口父〕咀，以三年苦酒二斗浸药一宿，于炭火上灸干捣，下细筛，以猪脂二升半于微火上煎，搅令相得如饴，着新未中水白瓷器中盛，

稍稍随病深浅傅之，并以清酒服如枣核，日一。治痈疽痔漏恶疮，妇人妒乳漆疮方，野葛、芍药、薤白、当归、通草(各二分)。附子(一分)。右六分〔口父〕咀，醋浸半日，先煎猪脂八合令烟出，内乱发二分令消尽，下之？又内松脂八分蜡二分，更着火上令和，即内诸药煎令沸，三上三下去滓，故帛傅药帖肿上，干即易之，如春去附子，其发须洗去垢，不尔令人疮痛。治痈肿松膏方，黄芩、当归、黄耆、黄连、芍药、大黄、蜡、芎藭(各一两)。右八味〔口父〕咀，合松脂一斤半，猪脂一合半，微火煎之三上三下，绵布绞去？火灸傅纸上，随肿大小帖之，日三易之即差。治诸色痈肿恶疮差后有瘢减瘢膏方，矾石、安息香(一作女萎)、狼毒、乌头、羊躑躅、附子、野葛、白芷、乌贼骨、赤石脂、皂荚、干地黄、天雄、芍药、芎藭、大黄、当归、莽草、石膏、地榆、白朮、续断、鬼臼、蜀椒、巴豆、细辛(各一两)。右二十六味捣末，以成煎猪脂四斤和药，以此为准，煎之三上三下，以好盐一大匙下之，膏成须服者与服之，须摩者与摩之，摩之忌近眼，服之忌娠人，若灭瘢者，以布揩令伤傅之，鼻中息肉，取如大豆内鼻中，如瘀血酒服如枣核大，痔漏以绵里如梅子内下部，若中风摩患上取差，崩中亦内，若灭瘢取少许和鹰屎白傅之，取腊日合之神效，(千金翼有礬石一两)。治脓溃后疮不合方，烧鼠皮一枚作末，傅疮孔中。(备急千金要方卷第二十二(丁肿痛疽) 183 方)

37 又方。熟嚼大豆以傅之。(备急千金要方卷第二十二(丁肿痛疽) 183 方)

38 又方。炒乌麻令黑熟捣以傅之。(备急千金要方卷第二十二(丁肿痛疽) 183 方)